

ხელშეკრულება №01-56/2019
სახელმწიფო შესყიდვების შესახებ
(გამარტივებული შესყიდვა)

ქ.თბილისი

07 მარტი, 2019 წელი

შემსყიდველი: სსიპ - ცხოველთა მონიტორინგის სააგენტო (შემდგომში წოდებული „შემსყიდველად“), წარმოდგენილი დირექტორის ვახტანგ ლომჯარიას სახით,
მისამართი: ქ. თბილისი, დავით აღმაშენებლის გამზ. №89/24 - კ. მარჯანიშვილის №89/24;
საიდენტიფიკაციო კოდი: 205316399;
საბანკო რეკვიზიტები: სახელმწიფო ხაზინა, ხაზინის ერთიანი ანგარიში ბ/კოდი: TRESGE22

მიმწოდებელი: შპს „FLEXMEDIA“ (შემდგომში წოდებული „მიმწოდებლად“), წარმოდგენილი დირექტორის მამუკა შველიძის სახით,
ფაქტიური მისამართი: ქ. თბილისი, ვაჟა-ფშაველას I შესახვევი №1/43;
საბანკო რეკვიზიტები: სს „თიბისი ბანკი“, ბანკის კოდი: TBCBGE22, ა/ა: GE28 TB 763 393 608 010 0002;
საიდენტიფიკაციო ნომერი: 401978311.

ერთი მხრივ **შემსყიდველი**, ხოლო მეორე მხრივ **მიმწოდებელი**, ხელმძღვანელობენ რა საქართველოში მოქმედი კანონმდებლობით, ადასტურებენ, რომ „სახელმწიფო შესყიდვების შესახებ“ საქართველოს კანონის, მე-3 მუხლის პირველი პუნქტის „ს“ ქვეპუნქტისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესი“-ს მე-2 მუხლის „ა“ პუნქტის თანახმად, გამარტივებული შესყიდვის წესით დებენ წინამდებარე ხელშეკრულებას შემდეგნაირად:

1. ხელშეკრულებაში გამოყენებული ტერმინთა განმარტებები:

- 1.1. „ხელშეკრულება სახელმწიფო შესყიდვების შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;
- 1.2. „ხელშეკრულების ღირებულება“ - თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3. „დღე“, „კვირა“, „თვე“ - კალენდარული დღე, კვირა, თვე;
- 1.4. „შემსყიდველი“ - ორგანიზაცია, რომელიც ახორციელებს შესყიდვას;
- 1.5. „მიმწოდებელი“ - პირი, რომელიც ახორციელებს საქონლის მიწოდებას ხელშეკრულების ფარგლებში;
- 1.6. „შესყიდვის ობიექტი“ - წინამდებარე ხელშეკრულების მუხლი 2-ით გათვალისწინებული ხელშეკრულების საგანი;

2. ხელშეკრულების საგანი

2.1. წინამდებარე ხელშეკრულების საგანს წარმოადგენს, შემსყიდველის მიერ, მიმწოდებლისგან, 2.2. პუნქტში მითითებული სარეგისტრაციო მოწმობების (შემდგომში – საქონელი) ბეჭდვის მომსახურების (შემდგომში – მომსახურება) შესყიდვა, წინამდებარე ხელშეკრულებით გათვალისწინებული პირობების შესაბამისად 79810000 - ბეჭდვითი მომსახურებები);

2.2. საქონლის მახასიათებლები:

№	დასახელება/აღწერილობა	რაოდენობა/განზომილება	ერთეულის ღირებულება	ღირებულება (ლარი)
1	ცხოველის სარეგისტრაციო მოწმობა/ 170 გრ. ცარცის ქაღალდი	3000 ცალი	0.22 ლარი	660 ლარი

2.3. შესყიდვა ხორციელდება ადგილობრივი თვითმმართველობის ბიუჯეტიდან გამოყოფილი 2019 წლის თანხებით.

3. მხარეთა უფლება-მოვალეობები

3.1. მიმწოდებელი ვალდებულია:

3.1.1. მიმწოდებელი ვალდებულია გაუწიოს შემსყიდველს ამ ხელშეკრულების 2.1. პუნქტში მითითებული უნაკლო მომსახურება, სრულად საკუთარი მასალით და მოწოდებული საქონელი უნდა იყოს შესაბამისობაში შემსყიდველის მიერ მიწოდებულ ნიმუშთან - ზომის, გვერდების რაოდენობის, ლოგოების ზომის, ფერის და მოწმობაში არსებული ტექსტის შინაარსთან;

3.1.2. თუკი მიმწოდებლის მიერ გაწეული მომსახურება/მიწოდებული საქონელი, მიღების მომენტში არ აღმოჩნდება სრულყოფილი, მიმწოდებელი ვალდებულია, შემსყიდველის მოთხოვნისთანავე, გამოასწოროს ეს ნაკლი, ყოველგვარი წინაპირობის გარეშე, მოთხოვნიდან გონივრულ, მაგრამ არაუმეტეს 3 (სამი) დღის ვადაში შეცვალოს ისინი სხვა ხარისხიანი საქონლით და აუნაზღაუროს შემსყიდველს უხარისხობით მიყენებული ზიანი ან/და ზარალი;

3.1.3. მიმწოდებელმა უნდა უზრუნველყოს ცხოველის სარეგისტრაციო მოწმობების დაბეჭდვა, შემსყიდველის მიერ მიწოდებული ნუმერაციის მიხედვით, უნდა მოხდეს თითოეულ სარეგისტრაციო მოწმობაზე ინდივიდუალური ნომრის მინიჭება და დაწომა ნუმერაციის ზრდის მიხედვით, 020001- დან 023000 - ის ჩათვლით;

3.1.4. მიმწოდებელმა უნდა უზრუნველყოს ცხოველის სარეგისტრაციო მოწმობების დაკომპლექტება რაოდენობების მიხედვით (კომპლექტში - 50 ცალი);

3.1.5. მხარეთა შორის მიღება-ჩაბარების აქტის გაფორმებისთანავე, წარუდგინოს შემსყიდველს შესაბამისი დოკუმენტაცია, წინამდებარე ხელშეკრულების 6.2. პუნქტის შესაბამისად;

3.1.6. დაიცვას ხელშეკრულებით გათვალისწინებული ყველა პირობა;

3.2. მიმწოდებელი უფლებამოსილია მოსთხოვოს შემსყიდველს საქონლის/მომსახურების ღირებულების ანაზღაურება წინამდებარე ხელშეკრულებით გათვალისწინებული პირობების შესაბამისად;

3.3. შემსყიდველი ვალდებულია:

3.3.1. მოახდინოს ანგარიშსწორება მიმწოდებელთან წინამდებარე ხელშეკრულების შესაბამისად;

3.3.2. უზრუნველყოს საქონლის შემოწმება და მიღება.

3.4. შემსყიდველი უფლებამოსილია

3.4.1. მოსთხოვოს მიმწოდებელს წინამდებარე ხელშეკრულებით ნაკისრი ვალდებულებების ჯეროვანი შესრულება;

3.4.2. ინსპექტირების შედეგად მიმწოდებლის მიერ ხელშეკრულებით გათვალისწინებული პირობების დარღვევის აღმოჩენის შემთხვევაში მისცეს მას მითითება ვალდებულებების დარღვევის გამოსწორების შესახებ.

4. ხელშეკრულების ღირებულება

4.1. წინამდებარე ხელშეკრულების ღირებულება შეადგენს **660.00 (ექვსასსამოცი)** ლარს.

4.2. შესყიდვის ობიექტის ერთეულის ღირებულება მოცემულია 2.2. პუნქტში;

4.3. წინამდებარე ხელშეკრულებით გათვალისწინებული ღირებულება შეიცავს მიმწოდებლის ყველა ხარჯსა და საქართველოს კანონმდებლობით დადგენილ გადასახადებს.

5. ანგარიშსწორების წესი

5.1. მხარეთა შორის ანგარიშსწორება მოხდება ეროვნულ ვალუტაში, უნაღდო ანგარიშსწორების წესით;

5.2. შემსყიდველი ვალდებულია მხარეთა შორის მიღება-ჩაბარების აქტის გაფორმებიდან 10 (ათი) სამუშაო დღის განმავლობაში მოახდინოს წინამდებარე ხელშეკრულებით გათვალისწინებული ღირებულების ანაზღაურება;

5.3. მომსახურების გაწევის/საქონლის გადაცემის თარიღად ითვლება, მომსახურების გაწევისა და საქონლის ჩაბარების შესახებ, მხარეთა მიერ მიღება-ჩაბარების აქტზე ხელმოწერის თარიღი;

5.4. იმ შემთხვევაში, თუ მიმწოდებელი წინამდებარე ხელშეკრულებით გათვალისწინებული წესითა და ვადაში არ წარუდგენს შემსყიდველს დოკუმენტაციას ანგარიშსწორებისთვის, შემსყიდველს არ დაეკისრება ვალდებულების შესრულების ვადის გადაცილებისთვის გათვალისწინებული პირგასამტეხლო;

6. საქონლის მიწოდების ადგილი, ვადები და მიღება-ჩაბარების წესი

6.1. მომსახურების გაწევის/საქონლის მიწოდების ადგილია: ქ. თბილისი, ვაჟა-ფშაველას I შესახვევი №1/43;

6.2. მომსახურების გაწევის/საქონლის მიწოდების პარალელურად, მიმწოდებელი ვალდებულია უზრუნველყოს საქართველოში მოქმედი კანონმდებლობით გათვალისწინებული თანმხლები დოკუმენტაციის წარდგენა შემსყიდველისათვის (სასაქონლო ზედნადები, არსებობის შემთხვევაში, საგადასახადო ანგარიშ-ფაქტურა);

6.3. მომსახურების გაწევის/საქონლის მიწოდების ვადაა: ეტაპობრივად, წინამდებარე ხელშეკრულების გაფორმებიდან **8 (რვა) სამუშაო დღე**;

7. მომსახურება გაწეულად/საქონელი ჩაითვლება მიღებულად, მიწოდებული საქონლის შემოწმებისა და აღნიშნულის თაობაზე გაფორმებული მიღება-ჩაბარების აქტის ხელმოწერის დღიდან. შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება, სააგენტოს ადმინისტრაციული დეპარტამენტის მთავარ სპეციალისტს - ტექნიკურ მენეჯერს.

8. ხელშეკრულების ინსპექტირება და საქონლის შემოწმება

8.1. წინამდებარე ხელშეკრულების შესრულებაზე ინსპექტირებას ახორციელებს შემსყიდველის მიერ სათანადოდ დანიშნული პირი: სააგენტოს ცხოველთა კონტროლისა და რეგულირების დეპარტამენტის უფროსის მოადგილეს;

8.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა დაუყოვნებლივ;

8.3. შემსყიდველი უფლებამოსილია ნებისმიერ დროს განახორციელოს საქონლის/მომსახურების შემოწმება;

8.4. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ აცნობებს მიმწოდებელს წუნდების მიზეზების მითითებით.

9. ხელშეკრულების შეწყვეტა

9.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის

(გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში;

9.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ, თუ:

9.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;

9.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

9.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

9.2.4. საქართველოს კანონმდებლობით გათვალისწინებულ სხვა შემთხვევებში.

9.3. წინამდებარე ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს და შემსყიდველს დანარჩენი ვალდებულებების შესრულებისაგან.

9. მხარეთა პასუხისმგებლობა

9.1. მხარეების მიერ წინამდებარე ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას საქართველოს მოქმედი კანონმდებლობის შესაბამისად.

9.2. რომელიმე მხარის მიერ წინამდებარე ხელშეკრულების შეუსრულებლობის შემთხვევაში, ხელშეკრულების მეორე მხარეს უფლება აქვს, მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3. ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ წინამდებარე ხელშეკრულებით ნაკისრი ვალდებულების შეუსრულებლობით.

9.4. მიმწოდებლის მიერ წინამდებარე ხელშეკრულებით გათვალისწინებული ვალდებულებების შეუსრულებლობის შემთხვევაში შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო ხელშეკრულების საერთო ღირებულების 10%-ის ოდენობით.

9.5. მიმწოდებლის მიერ წინამდებარე ხელშეკრულების არაჯეროვანი შესრულების შემთხვევაში, შემსყიდველი უფლებამოსილია დააკისროს მიმწოდებელს, ხოლო ასეთ შემთხვევაში მიმწოდებელი ვალდებულია გადაიხადოს პირგასამტეხლო შეუსრულებელი ვალდებულების 10%-ის ოდენობით.

9.6. რომელიმე მხარის მიერ წინამდებარე ხელშეკრულებით გათვალისწინებული ვალდებულების შესრულების ვადების დარღვევის შემთხვევაში, მეორე მხარე იტოვებს უფლებას მოითხოვოს დამრღვევი მხარისგან, ხოლო ამ შემთხვევაში დამრღვევი მხარე ვალდებულია გადაიხადოს პირგასამტეხლო, ვალდებულების შესრულების ყოველ ვადაგადაცილებულ დღეზე შეუსრულებელი ვალდებულების 0,15%-ის ოდენობით.

11. ფორს მაჟორი

11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).

11.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიხადოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების გადასინჯვის წესი

12.1. ხელშეკრულების პირობების, მათ შორის, ფასების გადასინჯვა შესაძლებელია იმ შემთხვევაში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ წინამდებარე ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.

12.2. წინამდებარე ხელშეკრულების 11.1. პუნქტით გათვალისწინებულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.

12.3. გარემოებათა შეცვლას უთანაბრდება, ის გარემოება, როდესაც წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.

12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა წინამდებარე ხელშეკრულების 11.1, 11.2. და 11.3. პუნქტებით გათვალისწინებული შემთხვევებისა.

12.5. ხელშეკრულების ღირებულების პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება, ან უარესდება ხელშეკრულების პირობები დამკვეთი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.6. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10%-ზე მეტი ოდენობის გაზრდა.

13. ხელშეკრულებაში ცვლილებებისა და დამატებების შეტანის წესი

13.1. ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით;

13.2. თუ რაიმე წინასწარ გაუთვალისწინებელი მიზეზების გამო წარმოიშობა წინამდებარე ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წინასწარ, ცვლილებების განხორციელების სასურველ თარიღამდე სამი სამუშაო დღით ადრე, წერილობით შეატყობინოს მეორე მხარეს. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ;

13.3. წინამდებარე ხელშეკრულების პირობების ნებისმიერი ცვლილება და დამატება უნდა გაფორმდეს დამატებითი შეთანხმების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

14. ხელშეკრულების შესრულების შეფერხება

14.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ;

14.2. იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

16. ხელშეკრულების მოქმედების ვადები

წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2019 წლის 30 ივნისის ჩათვლით.

16. დასკვნითი დებულებები

16.1. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს;

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4. წინამდებარე ხელშეკრულება შედგენილია ქართულ ენაზე, ხუთ გვერდზე, ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

შესყიდველი

მიმწოდებელი

სსიპ-ცხოველთა მონიტორინგის სააგენტო

შპს „FLEXMEDIA“

დირექტორი

დირექტორი

ჩვენ ქვემოთ ხელისმომწერნი, ინტერესთა კონფლიქტის თავიდან აცილების მიზნით, გავცანით „სახელმწიფო შესყიდვების შესახებ“ საქართველოს კანონის მე-8 მუხლს (ინტერესთა კონფლიქტის თავიდან აცილების პირობები და წესები) და ხელისმომწერით ვადასტურებთ, რომ მიმწოდებლის მიმართ (შპს „FLEXMEDIA“, №01-56/2019) არ ვიმყოფებით ინტერესთა კონფლიქტში.

სსიპ - ცხოველთა მონიტორინგის სააგენტოს
დირექტორი

/ვახტანგ ლომჯარია/

ფასების კვლევის განმახორციელებელი პირი:

სსიპ - ცხოველთა მონიტორინგის სააგენტოს
ადმინისტრაციული დეპარტამენტის
მთავარი სპეციალისტი, ტექნიკური მენეჯერი:

/გრიგოლ შეყრილაძე/